

1586 ro militia absumpta, ob amplissimos imperii fines, nihil fere a Turcis amissum; nuper e Græcia ingentem militum copiam in Asiam sub Ferratis imperio trajectam; Assyriæ atque vicinarum provinciarum præfatos quamprimum milites, architectos, fabrosque in Persidem mittere iussos: inde, Persa debilitato, Turca aucto, cito ad pacem venturum Amurathem crederent; id si accidisset, quo tanti imperii moles nunquam acquiescere assueta incumberet, summopere considerandum erat; ac ne post terrestre bellum in maritimum inclinaret. Regina Angliæ legatus assidue ad Siciliae expeditionem Amurathem adhortabatur; eodem tempore Hispaniæ litora cum classe Britannos aggressuros pollicitus. At vero militari disciplinæ adversum plerique opinabantur, Venetorum insulas situ & viribus prævalidas a tergo hærentes relinquere: quocirca ad Cretam muniendam firmandamque nihil prætermittebatur.

*Anglus Legatus Turcas ad Siciliae expeditionem hortatur.*

Alia ex parte haud parum ingentia Hispanorum incrementa solitudinis afferre Principibus videbantur; qui præter reliquas imperii accessiones, nuper Alexandri Farnesii, Parmæ Principis, virtute ac fortuna Antverpiam, Brabantia caput, obsidione adepti, eo sese provexerant, ut Galliæ dissensionibus intestinisque diffidiis, quæ ingentibus pollicitis atque auro aluisse ferebantur, jam amplissimo illi ac potentissimo regno adversus exterarum gentes invicto inhiarent. Quæ sanæ tanto graviora erant, quod, belli civilis incendio jam universa fere Gallia flagrante, Xystus Pontifex ac Philippus palam foederatis faverent, atque, ut majores in die vires assumerent, eniterentur; ille ob catholicam religionem, de qua in primis agi videbatur; hic, ut facilius quæ diu maturaverat consilia ad exitum perduceret. In tanta vero Galliæ agitatione Philippus ad Genevam occupandam animum intendit, Sabaudi generi ope, quem gloriæ spe incitatum ad quæcumque sibi opportuna essent tentanda, traduxerat, facillime eo, quod cupiebat, potiri se posse ratus. Itaque cum Pontifice de ea civitate expugnanda egerat, pergratum illi fore existimans, si urbs, in quam veluti in sentinam hæreticorum omnes pestes confluebant, atque inde in alias Europæ partes dispergebantur, in ejus potestatem concederet. Verum Henricus, qui aliquot ante annos in suam clientelam Genevam susceperat, de iis admonitus, cum

Xy-